

37
81

Amplissimo Crusio V. C.
S. P. D. Boehmius.

Ego vero vehementer gratulor mihi illud Tuum tam honorificum de conatibus meis iudicium, atque in loco suauissimi praemii pono. Probe enim noui, quam sis Tu intelligens rerum harum aestimator. Sed hac ipsa Tua beneuolentissima laudatione studi nostri et industriae accendisti me ad persequendum opus: ab quo facile potuissent me abstergere multae aduersitates, quas mihi et bibliopolae et typographi, dum mortalium genus, multo maxime creauerunt. Alter Tomus, qui primum tanquam e vestigio sequetur, continebit Diaria Legatorum, Sueicorum, Danicorum, Curonicorum, e tabulariis Holmiensi et Hafniensi; item reliquas Observationes. Inscriptionem in singulari scheda, his litteris adiecta, accuratius posui. In alia habet primi Tomi titulum, et dedicationem. Atque hanc excipiet Prooemium ad Baluseium, Episcopum Kiouensem, cui operis rationem reddidi, laudumque in primis viros summos, Barrium, Lethum, Bernsborfium, Stiernmanum, quorum fauore egregie adiutus sum, in perse-

quando instituto. Posthaec ipse quid potissimum spectauerim
 in editione, indicavi, disseminique de ~~usu~~ operis utilitate, in
 explicandis pacis Olivensis tabulis, scribendaque pleniore
 historia. Haec fere sunt, quae procerni mihi consilia est.
 Nondum enim per occupationes Academicas, et vero etiam
 valetudinem non satis commodam licuit periturum rem perficere.
 Quod nunc fiet, quum feriari paullulum datur ab officiis.
 Ceterum siquid amplius addere visum erit, facile sit eius
 aliquam memoriam interficere elogio, quod humanissime atque
 amicissime promittis. Id nunc avidi expectamus, ut et reli-
 quam partem recensione Justinianae, cuius nihil amplius ad-
 huc typis exscriptum est, quam quod ad Te misimus. In com-
 mendatione Sclafiani operis quantum doctrinae inest! quantum
 verissimae laudis! quantum amoris Tui, in communia studia.
 Haec colamus, haec laudemus, Crusi, Vir Amicissime, spernamus.
 quae osorer et diligentiae nostrae, et bonae mentis. Ego vero Ca-
 tronis, qui hic post paullo aberunt, collaudabo Tuam exquisi-
 tam eruditionem, nihilque non agam Tua causa. Vale optime, cu-
 rasque permitte ventis in mare Geticum portare. Ser. d. 27 Mart. 1765